

Soalan-Soalan Yang Selalu Ditanya



Adakah saya layak mendapat had pengeluaran tahunan \$700 (iaitu saya mempunyai keadaan kronik yang kompleks)?

Anda layak mendapat had pengeluaran yang lebih tinggi iaitu \$700 setahun, jika anda telah menemui doktor untuk dua atau lebih keadaan kronik yang disenaraikan di bawah CDMP, atau satu keadaan kronik CDMP dengan komplikasi, dalam jangka masa setahun.

Anda juga boleh memeriksa had pengeluaran tahunan anda dengan melayari perkhidmatan dalam talian Lembaga CPF.



Saya seorang pesakit yang mengalami keadaan kronik yang kompleks. Adakah saya akan terus menikmati had pengeluaran \$700 sehingga keadaan saya bertambah baik?

Had pengeluaran MediSave500/700 akan diperbaharui setiap tahun berdasarkan data yang ada mengenai keadaan kronik anda. Contohnya, sama ada anda telah menggunakan MediSave untuk keadaan kronik anda yang kompleks dalam jangka masa setahun.



Soalan-Soalan Yang Selalu Ditanya

Mulai tahun 2021, bolehkah saya terus mengeluarkan dari akaun MediSave ahli keluarga saya untuk membayar rawatan saya sendiri?

Anda boleh menggunakan akaun MediSave anda sendiri atau akaun ahli keluarga anda untuk membayar rawatan penyakit kronik anda, tertakluk kepada had pengeluaran semasa anda iaitu \$500 atau \$700. Sekiranya anda telahpun menggunakan sejumlah \$500 atau \$700 untuk rawatan anda sendiri dalam setahun, anda tidak lagi dibenarkan untuk menggunakan wang dari akaun MediSave milik anda atau ahli keluarga anda.



Di manakah saya boleh menggunakan MediSave500/MediSave700?



Anda boleh menggunakan MediSave500/700 di:

- Klinik Pakar Pesakit Luar (SOC) di hospital-hospital awam dan pusat-pusat pakar nasional
- Poliklinik
- Klinik bertauliah MediSave, termasuk klinik yang menyertai Skim Bantuan Kesihatan Masyarakat (CHAS)



Bagaimana peningkatan pada MediSave500 akan membantu anda



MINISTRY OF HEALTH
SINGAPORE



Untuk pertanyaan mengenai skim ini, anda boleh hubungi talian hotline Jagaan Kesihatan di 1800 222 3399 (atau +65 6222 3399) dari Isnin hingga Jumaat, 8 pagi hingga 5.30 petang, atau imbas kod QR di sini untuk melayari laman web kami:



Peningkatan Skim

Sebelum 1 Jan 2021, semua pesakit boleh mengeluarkan sehingga \$500 daripada satu-satu akaun MediSave. Mulai 1 Jan 2021, peningkatan berikut akan berlaku:


1 Had Pengeluaran Lebih Tinggi bagi Pesakit dengan Keadaan Kronik yang Kompleks

Pesakit dengan keadaan kronik yang kompleks boleh mengeluarkan sehingga \$700 setahun, meraih manfaat daripada lanjutan skim MediSave700. Pesakit yang tidak terjatuh dalam golongan ini boleh terus mengeluarkan sehingga \$500 setiap tahun.


2 Had Pengeluaran Akan Diperuntukkan Kepada Setiap Pesakit, Dan Buannya Setiap Akaun

Had pengeluaran akan ditentukan atas dasar seorang pesakit untuk membolehkan sokongan yang lebih disasarkan menurut keadaan seseorang.

SEBELUM 1 JAN 2021




SELEPAS 1 JAN 2021



Contoh Peningkatan


Encik Rizal merupakan satu-satunya pencari nafkah dalam keluarga, dengan ibu bapa yang sudah tua. Bapanya didiagnosis dengan satu keadaan kronik CDMP (tiada komplikasi) sementara ibunya didiagnosis dengan berbilang keadaan kronik CDMP.

SEBELUM 1 JAN 2021



Encik Rizal boleh mengeluarkan sehingga \$500 setahun daripada MediSave beliau untuk menampung kos rawatan penyakit kronik ibu bapanya. Beliau menggunakan \$200 untuk bapanya dan \$300 untuk ibunya.

DARI 1 JAN 2021



Encik Rizal boleh mengeluarkan sehingga \$500 setahun dari MediSave beliau untuk rawatan penyakit kronik ayahnya. Beliau juga boleh mengeluarkan sehingga \$700 setahun dari akaun MediSave beliau untuk rawatan penyakit kronik ibunya kerana ibunya mengalami keadaan kronik yang kompleks.

Kegunaan MediSave500/700

Rawatan Penyakit Kronik



Merangkumi rawatan 20 penyakit kronik terpilih di bawah Program Pengurusan Penyakit Kronik (CDMP)

Vaksinasi



Boleh digunakan untuk vaksinasi yang disyorkan di bawah Jadual Imunisasi Kanak-kanak Nasional (NCIS) atau Jadual Imunisasi Orang Dewasa Nasional (NAIS)



Pemeriksaan

Boleh digunakan untuk pemeriksaan mamogram bagi wanita berusia 50 tahun ke atas, dan ujian neonatal yang diluluskan